

ს ა ქ ა რ თ ვ ე ლ ო ს უ ზ ე ნ ა ე ს ი ს ა ს ა მ ა რ თ ლ ო



გამარტივებული ელექტრონული ტენდერი

კომპიუტერული მოწყობილობები
და აქსესუარები

CPV30200000.

დაფინანსების წყარო – 2016 წლის სახელმწიფო ბიუჯეტი

სავარაუდო ღირებულება – 21 150 ლარი

მაგიდის კომპიუტერები
(დესკტოპები – CPV 30213300)

ს ა რ ჩ ე ვ ი

1. ინსტრუქცია ტენდერში მონაწილეობის მისაღებად ----- 3 გვ.
2. ტექნიკური პირობები ----- 4 გვ.
3. წარმოსადგენი დოკუმენტაციის ჩამონათვალი ----- 6 გვ.
4. სახელმწიფო შესყიდვების შესახებ ხელშეკრულების პროექტი ----- 7 გვ.
5. დანართი №1 - ფასების ცხრილის საილუსტრაციო ფორმა ----- 11 გვ.

ს ა კ ო ნ ტ ა ქ ტ ო პ ი რ ე ბ ი:

შესყიდვის პროცედურებთან
დაკავშირებით – თემურ უშვერიძე:

ტელ: 2 99 09 62; 577 55 77 37;
ელ.ფოსტა: temuri07@yahoo.com

ტექნიკურ საკითხებთან
დაკავშირებით – გიორგი ყიფიანი:
ტელ: 577 451 777.

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. ტენდერში მონაწილეობის მსურველმა პრეტენდენტებმა უნდა იმოქმედონ ზ/აღნიშნულ ნორმატიულ აქტებში მოთხოვნილი პირობების სრული დაცვით.

1.2. გამარტივებული ელექტრონული ტენდერი ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. სატენდერო განცხადებისა და სატენდერო დოკუმენტაციის გაცნობის ვადა შეადგენს არანაკლებ ერთ სამუშაო დღეს სატენდერო განცხადებისა და სატენდერო დოკუმენტაციის სისტემაში განთავსების მომენტიდან. ამ ვადის დასრულებიდან ორი სამუშაო დღის განმავლობაში პრეტენდენტს შეუძლია სისტემის საშუალებით წარადგინოს წინადადება ქართულ ენაზე და ელექტრონული ვაჭრობის გზით შეცვალოს წარმოდგენილი წინადადების ფასი კლებადობის პრინციპითა და ფასის კლების ბიჯის გათვალისწინებით. იმ შემთხვევაში, თუ გამოცხადებულ გამარტივებულ ელექტრონულ ტენდერში სატენდერო წინადადების მიღების დასრულების ვადა ემთხვევა შაბათ-კვირას ან უქმე დღეს, სატენდერო წინადადების მიღების ვადა დასრულდება მომდევნო სამუშაო დღეს.

1.3. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.4. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.5. ხელშეკრულების ფორმა და პირობები მოცემულია სატენდერო დოკუმენტაციაში ხელშეკრულების პროექტის სახით, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური პირობები

2.1

№	დასახელება	ტექნიკური მახასიათებლები	რაოდ.	საგარ. ვადა
1	ბრენდ დესკტოპ კომპიუტერი	პროცესორი - ბირთვების რაოდენობა არანაკლებ 2, ნაკადების რაოდენობა 4, სიხშირე არანაკლებ 3.7GHz, ქეშ მეხსიერება 3MB; ოპერატიული მეხსიერება - არანაკლებ 4GB DDR3 1600MHz (2 სლოტი), მყარი დისკი არანაკლებ 500 GB 7200rpm; ოპტიკური წამკითხველი DVD; ჩაშენებული ქსელის ბარათი - 10/100/1000; ინტერფეისი: არანაკლებ 6 x USB პორტი (აქედან წინა პანელზე - მინ. 2x USB3.0, უკანა პანელზე - 4x USB2.0), 1xRJ-45; 1x HDMI; 1x VGA; 1x 3-stack აუდიო პორტები; ჩაშენებული უსადენო ქსელის ბარათი - მინ. 802.11bgn + BT4.0; UBS კვების ბლოკი: არანაკლებ 240W; კომპლექტში: იგივე მწარმოებლის კლავიატურა-მაუსი;	15	36 თვე
2	მონიტორი	ეკრანის ზომა არანაკლებ 23" ინჩი, 16:9, Anti-glare, რეზოლუცია - არანაკლებ 1920x1080; პიქსელების სიმჭიდროვე: არაუმეტეს 0.27მმ; სიკაშკაშე - არანაკლებ 250 cd / m²; კონტრასტი: ტიპური არანაკლებ 1000:1; დინამიური არანაკლებ 10,000,000:1; ხედვის კუთხე არანაკლებ 178H/178V; დაყოვნება არაუმეტეს 8ms, ინტერფეისი: არანაკლებ 1x VGA, 1x DVI-D /	15	24 თვე

(პრეტენდენტმა უნდა წარმოადგინოს მწარმოებლის ავტორიზაციის ფორმა ე.წ. MAF)

შენიშვნა: მოწოდებული პროდუქცია უნდა იყოს ახალი, ექსპლუატაციაში არ მყოფი.

2.2. პრეტენდენტ კომპანიას უნდა გააჩნდეს მინიმუმ ერთი ავტორიზებული სერვისცენტრი ქ. თბილისში, სადაც საჭიროების შემთხვევაში იწარმოებს საგარანტიო მომსახურების გაწევას, ამასთან, პრეტენდენტის მიერ წარმოდგენილ უნდა იქნას შესაბამისი ინფორმაცია სერვისცენტრ(ებ)ის და მისამართ(ებ)ის შესახებ.

2.3. საქონლის მიწოდება უნდა განხორციელდეს ხელშეკრულების გაფორმებიდან არაუმეტეს 3 (სამი) სამუშაო დღეში შემდეგ მისამართზე – ქ. თბილისი, ძმ. ზუბალაშვილების ქ. №32 (საქართველოს უზენაესი სასამართლო).

2.4. საქონლის ტრანსპორტირებას შემსყიდველის ფიზიკურ მისამართზე საკუთარი ხარჯებით უზრუნველყოფს მიმწოდებელი.

2.5. ფასების ცხრილში მითითებული ღირებულება უნდა მოიცავდეს საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

2.6. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 21 პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის წერილობითი მოთხოვნის საფუძველზე, პრეტენდენტმა უნდა წარმოადგინოს (სისტემაში ატვირთოს) ფასწარმოქმნის ადეკვატურობის

დამადასტურებელი დოკუმენტი, კერძოდ, ექსპერტის/აუდიტორის/სამშენებლო კომპანიის მიერ გაცემული დასკვნა შესყიდვის ობიექტის მიწოდებასთან დაკავშირებით, რომელიც ადასტურებს პროტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.7. ფასწარმოქმნის ადეკვატურობის დამადასტურებელი დასკვნა, რასაც თან უნდა ახლდეს დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი, ერთიანი ელექტრონული სისტემის საშუალებით წარმოდგენილი უნდა იყოს (ასეთი მოთხოვნის შემთხვევაში) მოთხოვნის დღიდან მომდევნო 3 (სამი) სამუშაო დღის განმავლობაში.

2.8. ფასწარმოქმნის ადეკვატურობის დამადასტურებელი დასკვნის და/ან ამ დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტის წარმოუდგენლობა გამოიწვევს პროტენდენტის დისკვალიფიკაციას.

2.9. პროტენდენტის მიერ წარდგენილი ფასწარმოქმნის ადეკვატურობის დამადასტურებელი დოკუმენტი (2.7. პუნქტი) დაზუსტებას არ ექვემდებარება.

შ ე ნ ი შ ვ ნ ა:

პროტენდენტს არა აქვს უფლება წარმოადგინოს ალტერნატიული
სატენდერო წინადადება.

3. პრეტენდენტის სატენდერო წინადადება უნდა შეიცავდეს შემდეგ დოკუმენტებს:

- ა) პრეტენდენტის სრული დასახელება და რეკვიზიტები.
- ბ) ორგანიზაციის ხელმძღვანელის ან უფლებამოსილი პირის სახელი და გვარი.
- გ) საკონტაქტო პირის (სახელი, გვარი) ტელეფონის ნომერი და ელ. ფოსტის მისამართი.
- დ) ორგანიზაციის ხელმძღვანელის ან უფლებამოსილი მიერ ხელმოწერილი და ბეჭდით დამოწმებული ტექნიკური დავალების შესაბამისად შედგენილი ფასების ცხრილი მწარმოებელი ქვეყნის, მარკის, მოდელის, საქონლის აღწერილობის, რაოდენობის, ერთეულის, საერთო ღირებულებისა და საგარანტიო პირობების მითითებით (დანართი №1).

შ ე ნ ი შ ვ ნ ა :

გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი (ასეთის არსებობის შემთხვევაში).

ფასების ცხრილი წარმოადგენს ხელშეკრულების განუყოფელ ნაწილს.

4. სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2016 წელი

ერთის მხრივ საქართველოს უზენაესი სასამართლო (შემდგომში „შემსყიდველი“) წარმოდგენილი მისი საფინანსო-სამეურნეო განყოფილების უფროსის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს საქონლის შესყიდვას.

1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

2. ხელშეკრულების საგანი

2.1. მიმწოდებელი უზრუნველყოფს 15 ცალი დესკტოპ კომპიუტერის (კომპლექტი: პროცესორი, მონიტორი, კლავიატურა, მაუსი - CPV30213300) მიწოდებას შემსყიდველის ფიზიკურ მისამართზე.

2.2. ხელშეკრულებით გათვალისწინებული საქონლის სრული აღწერა, ჩამონათვალი, მიწოდების და საგარანტიო ვადები მოცემულია ტექნიკურ პირობებში და ფასების ცხრილში (დანართი №1), რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს ----- ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდული საქონლის ღირებულების ანაზღაურება განხორციელდება *ფასების ცხრილში (დანართი №1) მითითებული ფასების შესაბამისად*, უნაღდო ანგარიშსწორებით, საქონლის შესყიდვის შემდეგ, საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორების ვადა/გრაფიკი – შესაბამისი საანგარიშსწორებო დოკუმენტაციის გაფორმებიდან არაუმეტეს 3 (სამი) სამუშაო დღის განმავლობაში.

5. მიღება-ჩაბარების წესი

5.1. საქონლის მიწოდება განხორციელდება ხელშეკრულების გაფორმებიდან არაუმეტეს 3 (სამი) სამუშაო დღის განმავლობაში.

5.2. საქონლის ტრანსპორტირებას შემსყიდველის ფიზიკურ მისამართზე საკუთარი ხარჯებით უზრუნველყოფს მიმწოდებელი – ქ. თბილისი, ძმ. ზუბალაშვილების ქ. №32.

5.3. საქონელი ჩაითვლება მიღებულად მხოლოდ მხარეთა მიერ გაფორმებული საანგარიშსწორებო დოკუმენტაციის ხელმოწერის შემდეგ.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2. შემსყიდველი ვალდებულია:

ა) უზრუნველყოს მიმწოდებლის მიერ შესყიდული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი უფლებამოსილია:

ა) მოსთხოვოს შემსყიდველს შესყიდული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) მიაწოდოს საქონელი „შემსყიდველს“ სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას

განახორციელებს შემსყიდველის მიერ გამოყოფილი კოორდინატორი – მთავარი კონსულტანტი ინფორმატიზაციის დარგში გიორგი ყიფიანი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად შესასყიდი საქონლის ტექნიკური მახასიათებლების, რაოდენობის, მიწოდების ვადებისა და ხარისხის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – მიუწოდებელი საქონლის ღირებულების 0,1%-ის ოდენობით ყოველ გადაცილებულ დღეზე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. სხვა პირობები

12.1. წინამდებარე ხელშეკრულება შედგენილია თანაბარი იურიდიული ძალის მქონე 3 (სამი) ეგზემპლარად (ორი შემსყიდველს, ერთი მიმწოდებელს).

13. ხელშეკრულების მოქმედების ვადა

13.1. ხელშეკრულება ძალაში შედის ხელმოწერისთანავე და მოქმედებს 2017 წლის -----
----- ჩათვლით.

მხარეთა რეკვიზიტები

შემსყიდველი:	მიმწოდებელი
საქართველოს უზენაესი სასამართლო ს/კ 203 860 508 ქ. თბილისი, ძმ. ზუბალაშვილების ქ. 32 ტელ: 299 09 62; 292 18 35; 577 55 77 37. ელ. მისამართი: temuri07@yahoo.com ანგარიში: სახელმწიფო ხაზინა კოდი TRESGE22 ანგ. №GE24NB0330100200165022	

შემსყიდველი

მიმწოდებელი

ფ ა ს ე ბ ი ს ც ხ რ ი ლ ი

№	საქონლის დასახელება – მწარმოებელი ქვეყანა, მარკა, მოდელი	საქონლის ძირითადი მახასიათებლები	ერთ. ფასი (ლარი)	რაოდენობა (ცალი)	საერთო ღირებ. (ლარი)	მიწოდების ვადა	საგარანტიო ვადა
1	2	3	4	5	6	7	8
1							
2							
ჯამი							

სატენდერო წინადადება ძალაშია მისი სისტემაში ატვირთვის დღიდან და მოქმედებს „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

შენიშვნა: საქონლის დასახელებაში (გრაფა №2 – შევსება სავალდებულოა) მითითებული უნდა იყოს საქონლის მწარმოებელი ქვეყანა, მარკა და მოდელი. იმ შემთხვევაში, თუ შემოთავაზებულ საქონელს არ გააჩნია ზ/აღნიშნულიდან რომელიმე მახასიათებელი, შესაბამის ველში უნდა მიეთითოს მაგ: „არ გააჩნია“, „უცნობია“).

ფასების ცხრილი წარმოადგენს ხელშეკრულების განუყოფელ ნაწილს.

ხელის მოწერა და ბეჭედი _____